

**FICHA TÉCNICA**  
**INDICACIÓN XEOGRÁFICA PROTEXIDA**  
**GRELOS DE GALICIA**

**Creación:** Por Orde do 23 de decembro de 2009, da Consellería do Medio Rural (DOG 08.01.2010).

**Regulamentación:** Orde do 23 de decembro de 2009 pola que se aproba o Regulamento da indicación xeográfica protexida Grelos de Galicia e do seu Consello Regulador, e se nomea o Consello Regulador provisional. Modificado polas Ordes do 1 de febreiro de 2012 (DOG nº 29, do 10 de febreiro de 2012) e do 13 de febreiro de 2017 (DOG nº 37, do 22 de febreiro de 2017)

Inscrita no rexistro da UE polo R(CE) nº 1029 / 2009 da Comisión, de 29 de outubro de 2009 (DOUE do 30.10.2009).

URL do Prego de condicións:

[https://agacal.xunta.gal/sites/default/files/calidade-alimentaria/orixe-vexetal/Pliego\\_de\\_condiciones\\_Grelos\\_de\\_Galicia\\_agosto\\_2008.pdf](https://agacal.xunta.gal/sites/default/files/calidade-alimentaria/orixe-vexetal/Pliego_de_condiciones_Grelos_de_Galicia_agosto_2008.pdf)

**Enderezo:** Avenida do Camiño Francés, 10 baixo  
15703 Santiago de Compostela. A Coruña  
Tel: 881 997 279  
Correo electrónico: info@grelosdegalicia.org  
Web: www.grelosdegalicia.org

**Presidente:** José Andrés de la Fuente Vázquez

**Rexistros a 31 de decembro de 2023:**

Produtores inscritos:	178
Almacenistas/ envasadores:	10
Superficie inscrita:	677 ha
Superficie sementada:	55 ha

### **Volume de actividade no ano 2023:**

Produción certificada: 111.390 kg

Valor económico estimado 222.800 €

### **Zona amparada pola indicación xeográfica protexida *Grelos de Galicia*:**

A área de produción de grelos amparados pola indicación xeográfica protexida *Grelos de Galicia* esténdese a todos os concellos da Comunidade Autónoma de Galicia.

A manipulación, transformación e envasado dos grelos deberán realizarse na zona xeográfica de produción delimitada.

### **Produto protexido**

O produto amparado pola indicación xeográfica protexida *Grelos de Galicia* é a parte vexetativa destinada ao consumo humano procedente de plantas da especie *Brassica rapa*. L. var. *rapa* (comunmente coñecida como nabo), das variedades-poboación correspondentes aos ecotipos de Santiago e Lugo, así como das variedades comerciais rexistradas *Grelos de Santiago* e *Globo branco de Lugo*, representativas respectivamente de ditos ecotipos.

Comercialízanse en **fresco** (en feixes de pesos aproximados de 0,5 ou 1 kg, atados por medio de cintas vexetais ou doutros materiais autorizados), **conxelados** (envasados en bolsas de materiais e pesos autorizados) ou en **conserva** (elaborados ao natural e presentados en envases metálicos ou frascos de vidro de pesos autorizados).

No caso de grelos sometidos a procesos de transformación distintos dos contemplados no regulamento desta denominación xeográfica, poderase autorizar na etiquetaxe unha referencia relativa a que están elaborados con produto amparado pola indicación xeográfica protexida Grelos de Galicia.

### **Características do produto**

A denominación *grelos* fai referencia ás follas e talos recollidos ao longo do período vexetativo da planta. Unha vez posta en condicións de consumo tras a súa cocción, presentan as seguintes características organolépticas: cor verde intensa, máis acentuada á medida que a planta se aproxima ao momento de floración; sabor lixeiramente ácido, combinado con certo amargor; textura lixeiramente fibrosa, máis acusada se a variedade é de folla estreita con

elevada porcentaxe de pecíolos; e dureza moi baixa debido ao baixo contido en fibra alimentaria.

Ademais da anterior denominación, tamén se utilizan comunmente os seguintes termos:

- Nabizas, para designar ás follas e talos vexetativos recollidos ao longo do ciclo de desenvolvemento, e
- Cimos, que nalgunhas zonas de Galicia se utilizan en alusión aos talos florais xusto antes da floración.

